

唐市志
上卷

倪闲谷先生原奉

唐 壑 志

张氏可掬轩珍藏

唐 壑 志

波中

中 澹

序一

曩閱吾鄉磊卿勞文昭文志而歎其簡古幾不讓對山之武功三石之耀州五泉之朝邑昭文乃常熟分縣舊志雖未見云出湘靈錢先生手自拔步時谿矣近漱亭蘇明府猶子竹樓寄示唐市里志為其友間谷倪君所纂輯其分門簡括措詞古雅精而要贍而潔步武康韓為近今所罕有唐市一小镇耳而間谷博採廣搜不遺餘力其亦敬恭桑梓之意歟夫志而大言之則昉自尚書禹貢迨周禮職方氏及外史土訓誦訓掌四方之志用以備顧問廣獻納而益詳至馬遷八書班固十志體大思精夔

序

一

乎不可尚矣已志而小言之則洛陽之伽藍名園建唐宮殿荆楚歲時汝南先賢皆志之支流餘裔也唐市雖有水利有物產有名勝有科第有仙釋節烈經術之湛深於明則有楊頤文章之雄偉於本朝則有蘇苞九陶子師書畫擅長則有邱嶼雪黃尊古諸家體諸咸備流傳後代寧不可與洛陽諸誌志並驅耶而余更有取者則在穀園為應社眉目鼎革後杜門却掃與太倉張儀部結隱尤涇行吟澤畔其義節最高有逢萌梅福之風而織席先生水墨中人如雲門雪庵者流尤其錚錚者傳其人皆可以風世其有關於名教

匪輕也嗚呼是又豈可以一鄉一鎮少之哉余與間谷遠隔吳
楚未嘗有半面之雅而竹樓寄書云工詩善畫此乃安
石碎全且見余焦尾小草殷殷眷慕訂神交於數千里外因
以弁言見屬余老嫩韜筆而竹樓誦諉至再又以其素為
漱亭明府所推重遂不辭而序之即以當縞紵也可戊
寅孟冬晴川學弟方燧深柳氏拜題於玉陽迴峰講
院

序

二

序二

明季應社人各治一經天如易受先禮維斗書而楊燹子常治詩子常虞之唐市里人以故唐市之名聞天下市居民裁三四百家湫隘奔利天未旦戶篝火貿易魚米雜物謹甚鵝鸛聲自楊氏提倡風雅望風者幾眊為一都會所謂地以人重者非歟且先是周孝候容實居此里生為孝子歿為神明其風尤足師百世而紀乘闕如夷諸自檜豈文獻凋落不足徵歟倪君問谷慨然提鉛槧搜擇攘剔創為市志謹嚴有義法儻子常所讓未遑而有待於後賢者歟士子讀書續言故將以德功暨

序

三

杓表次亦欲著作承明之廬躋登皇風於古此又不可得即通邑大都名山川發皇巨麗刻鏤幽險差自託於外史氏至點筆籬落間無負岩邃谷以飲精采無諸大臣鉅儒魁偉卓犖殊絕之事蹟以昭典則而示訓行屈余皇長年於葉之舟沼緣沙葦技不見也著述憑藉亦有命耶吾以悲問谷之不遇也然其功倍艱而志倍勤矣抑吾聞子常當日故所提倡風雅者唐市十景喁於和響而其詩強半拾鍾譚餘唾如折足斷鐺何也問谷詩人并舉以訊之乾隆壬午春崇明日學弟何忠相拜書於虞山小築

序三

余生愧鄉里多矣弱冠以前黏繭書案而性資庸劣制舉文字外他未暇遑里中故實雖有聞焉而弗省也壯歲遊京師客齊魯敝廬一廛等諸傳舍通宦西粵訖山左鄉里常在夢境比者解組言旋得與鄉鄰風俗相循習偕一二明儕蒐討舊聞而疏記之生平之願也顧宦罷饑驅棲遲邦上我怀如何忽倪子間谷介家逸人兄質余以唐市里志并問序焉受而讀之自形勝山川人物暨藝文之有闕閭左者摭採該博參稽精核薈叢成書善乎哉倪子之為功於吾里者大也

序

四

余溷跡風塵簿書之暇習未忘妄有撰述而故里前聞未嘗泚筆從事鄉人其謂我何東坡云從官無功漫去鄉余今之謂也余鄉鎮邑之東南為宋時周孝子故里性行不磨俎豆斯在而名流輩興主文章壇坫者先後相望由是風教流傳濡染閭里可以馥槁竹之載者未易笏計而鞭算夫善之欲長君子之心也仲尼作經褒毫髮之善况里中人書里中事聞見悉真初無濫美里志之作烏容已乎錢宗伯稱震川先生以幾庶體貳之才障斯文之末流歐蘇而後屹然一大家也其於安亭里張貞女既書其死事書其獄事又作

張貞女辨又與嘉定諸友及殷徐陸三子書諄道其事
一鄉里女子之死而著之文章幾重其事筆豈好辨哉
夫亦下備志家徵信上供天子採擇其有關於人心風俗
者非細故也又太倉顧先生麟士居雙鳳作雙里志今
吾唐市鄉亦雙鳳也倪子之書與顧先生雙鳳里志
不驂靳乎其與賦名六合者得失何如乎書此以報倪
子且志余愧云戊寅孟冬里人許朝書邗江寓齋

序

五

序四

予之去鄉而來楚者六年矣故土之思時戀夢魂盖一水一邱一卉一木苟為生長之所服習與夫先疇舊德之所繫留即睽隔幾千里外猶歷歷逼心目間鍾儀所以操土風也迓者間谷倪君輯吾里唐市志成郵商索序予受而讀之迺穆然見夫吾里水土之清風俗之善氣節文章之盛孝友睦婣任卹之美舉吾里所歷歷不忘者遂靡不臚陳於前盖三復而喜抑余竊有感焉唐市為常熟東南一區遠不具論即予先世自元季卜居於此迄今十有五葉歷時四百餘年難譜牒僅存

序

六

而流風貽緒傳者什一不傳者什九予方懼其久而愈湮矧夫故家右族與吾宗之世次相等者或并無譜牒之可稽甚而嗣裔陵遲不可問其前言往行幾何不蕩為零兩飄塵耶夫士君子平居誦述古賢極之時地懸絕猶將攷其姓氏出處追求其梗概以識景行之義至於博物之家攬摭品彙亦往往訂及於殊方遐俗而不厭其煩豈其音不越閭黨名物不離環堵顧泯焉不一表章夫亦所謂貴遠而忽近乎哉今間谷廣討舊聞旁搜放佚積歲月而薈粹成書文簡事覆有良史氏之遺風焉其足以補桑梓紀乘之闕

校訂唐市志求撰序文小引

吾鄉隸居海虞距縣城東南二十里舊名尤涇市嗣後民厯漸稠商船通濟自唐氏始詳見明鄧黻常熟縣志中百數十年來商賈輳集才彥蔚興唐市之名聞於列郡殆不虛也其風士人物園亭古蹟採入縣志者僅綜其大綱不能詳其細目先曾伯祖宜谷公懼傳聞失實文獻無徵爰做太倉顧織簾先生雙鳳里志之例創為是編屬稿未定遽捐館舍倪文間谷踵而修之歷數寒暑始有成帙邑紳言太守輯常昭合志曾備採摭多所資取弟恐方隅之中見聞不廣布衣之士體例未諳昔

引

八

左思作三都賦藉皇甫之高名得以大顯是知附驥尾以垂教登龍門而倍價述作之林必有導之先者而後其書乃可傳其傳乃可久也鎮警校卒業重為繕寫適赴京兆試北上都門質諸

當代鉅公正其譌誤寵冠序文庶幾言以足志文以足言一經品題行諸久遠而倪文編輯之苦心與先宜谷公未竟之遺緒俱可以縣延而不墜矣不揣禱昧是用籲請
歲在戊寅六月既望張邦鎮拜手謹啟

					卷								卷			卷		唐
耆	掾	薦	進	孝	之	節	塚	橋		鄉	水	本	之	小	序	首	倪	市
碩	仕	辟	士	義	中	序	墓	梁		都	利	志	上	傳	引		閑	志
					人												谷	總
					物												先	目
																	生	
藝	封	武	舉	文			物	園		里	古	形			例		原	
士	贈	科	人	苑			產	亭		至	蹟	勝			言		編	
游	處	援	貢	選			風	祠		街	國	山			跋			
寓	士	仕	生	舉			俗	宇		術	制	水			文			

總目

二

一 诗词非有關於山水人物者不錄

一 集文賜 另有唐市徵獻錄故所載從略

一 異聞軼事亦資多後故以雜記終焉

闲谷倪賜謹識

例言

四

自跋

常昭有四大鎮唐市其一也隸常邑在東南三十里為四方水
行孔道其間風土人物瀏覽邑志尚多掛漏按志自康熙五
十一年一川曾孝廉編纂之後已八十餘年未修他不具編即
唐市之應增應續者不知凡幾何矣賜忘其謏劣倣太倉
顧織簾先生雙鳳里志之意作唐市志采之見聞考之典
籍詢之故寔參之公論不徇情以干譽不惕勢以緣
飾條分類析釐為三卷雖不敢自附於著作之林或可
備將來從事邑志者之採擇爾第郡邑志乘皆有司聘

跋

五

集名流開局分修則功勤而事備今賜以一人搜羅一方事
迹草創編摩又家乏小胥繕寫必躬自操筆稿經數易歷
久成書中間豈無遺訛用塊且懼冀博雅之士為之正今而
續後焉

乾隆五十七年歲次壬子孟春之月上澣倪賜三錫氏

小傳

錄譚石麟氏增輯唐市詩存卷之三

倪賜字三錫號間谷別署耕石山農抗心希古枕昨昨經史

不樂仕進與長洲沈德潛元和顧宗泰山陽阮學進崇

明何宗相訂文字交尤關心里中故寔先民言行搜幽剔隱

編輯唐墅小志徵獻錄詩存諸書次第行世先生精鑒古

善画蘭文字典雅著有香祖居詩文鈔應對鉢筆耕餘錄

若干卷藏於家

案先生遺稿久佚偶檢自怡軒集所載和作兩律

亟錄之用冠卷首以誌景仰吉光片羽有足珍也

小傳

六

即席酬張海翁咏花詩

元均兩首

可掬軒同玉照堂崇菊花叢吐珠光寸心冷澹清於露

竟體芬芳潔似霜梅罷瑶琴還入夢詞成白雪自懷香

水仙為友芝為伴興味差池坐欲忘

洛苑名葩正吐芳主人招客醉花傍既張翠幕寵春

色更點筆燈助晚妝彩筆裁紅詩借艷金樽浮碧酒

分香飄來絲雨非无意澹洗臙脂對应光

可掬軒逡人

